

جریدہ علمیہ

مشختہ جلیہ اسلامیہ نک جریدہ رسیہ پید

شعبان ۱۳۳۶

عدہ: ۳۶

آیدہ بر نشر اولنور

در دجی سنہ

تبدیلات اوقاف

امانات حسابنده کی اوقاف ملحقه دن لازم الضبط کورلملارک توثیق مضبوطیتلری
اسبانک استکمالی لازم کله جکنه دائر

آی غایه لرنده احرا قلنان قاصه تعدادینی متضمن اولمق اوزره بالنظیم نظارته کوندر-
لمکده اولار تعداد مضبطه لرینک اکثریسنده تقودک قسم اعظمی امانات کوسترلمکده
بولنش واشبو اماناتکده قسم مهمنک موقتاً وامانته اداره اولنان اوقاف ملحقه اموالندن
متولد اولایهی بعض شعباته جریان ایدن مخبره دن ا کلاشلشمدر معامله مبحوئه بو بایده
وضع اولنان اساساته توفیقاً جریان ایلمکده ایسه ده اوقاف مزبورده حقنده کی مقتضیاتک
تسریع وتعقیبی ایله بونلردن لازم الضبط اولانلرینک توثیق مضبوطیتی ده مقتضی بولندی
جهتله واردات و صرفیاتلرینک طول مدت اماناتده دورانی موافق اولمادیقندن سالف الذکر
وقفلرک صورت اداره لرینک تدقیقه تویلتلرینک مشروط لهلری بولنه میانلری وسائر
اسباب نظامیه وقانونیه طولانیسیله ضبطلری لازم کلانلرک ظاهره بالاخر اوج توثیق
مضبوطیتلری حقنده کی مقتضیاتک همان ایفای و بونلره عائد مبالغ امانات حسابندن
واردات حقیقه میانه نقلی و مشروط لهی موجود اوقاف ملحقه واردات مستحصله سنک
حسن محافظه سی ایله موقوف علما لرنده صرف واستعمالی اسبانک استکمالی و مربوط
محرمات نسخه لرینک ملحقه دوائر و تفتیشیه ارسالی لزومنک تعجماً بیانیه ابتدار قلندی.
فی ۲۱ جمادی لآخره سنه ۱۳۳۶ و ۳ نیسان ۱۳۳۴

★
★ ★

مأمورین و مستخدمین اوقاف تخصیصات فوق العاده شهریه لری

حقنده ۱ نیسان ۳۳۴ تاریخی قانون

[تقویم وقایع شهریه تاریخی: ۲۵ جمادی لآخره ۱۳۳۶ و ۸ نیسان ۱۳۳۴ - نوسروسی: ۴۲۰۴]

برنجی ماده — ۲ شباط ۱۳۳۲ تاریخی قانونده تصریح اولونان مأمورین و مستخدمین

اوقاف ايله خدمه اوقافدن بالفعل ايفای خدمت ايدوب شهرى بيك غروشه قدر [بيك غروش داخل] معاش ويا اجرت ووظيفه آلانلره معاش ويا اجرت ووظيفه لرى مجموعتك يوزده اليسى وبيك برغروشدن اوچيك غروشه قدر [اوچ بيك غروش داخل] معاش ويا اجرت ووظيفه آلانلره معاش ويا اجرت ووظيفه لرى مجموعتك يوزده اوتوزى و اوچيك برغروش ودها زياده معاش ويا اجرت ووظيفه آلانلره معاش ويا اجرت ووظيفه لرى مجموعتك يوزده يكرمى نسبتده ۱ مارت ۳۳۴ تاريخندن ختام حربه قدر تخصيصات فوق العاده شهرى به اعطا اولور شو قدر كه يوزده اوتوز نسبتده تخصيصات فوق العاده شهرى به مستحق اوله جقلرك تخصيصات فوق العاده شهرى لرى لا اقل بشيوز ويوزده يكرمى نسبتده مستحق اوله جقلرك تخصيصات فوق العاده شهرى لرى لا اقل طقوز يوز غروش اوله جقدر .

كرك اوقاف بودجه سندن و كرك موازنه عموميه دن ويا ديكر ملحق بودجه لردن تخصيصات فوق العاده شهرى به تابع معاش ويا اجرت ووظيفه لرى اولان خدمه به اوقاف بودجه سندن آيوجه تخصيصات فوق العاده شهرى به و برلر .

ايكنجه ماده — تاريخ نسرندن اعتباراً مرعى اولاجق اولان اشبو قانونك اجراسنه

اوقاف ناظرى مأموردر . ۱۹ جمادى الآخره ۱۳۳۶ ۱ نيسان ۱۳۳۴

مأمورين و مستخدمين اوقافه عائد تخصيصات فوق العاده شهرى نك صورت ترديدى حقنده كى ۱ نيسان ۱۳۳۴ تاريخلى قانون بالاده كوسترلش اولمغله مفادى دائره سنده ۴ شباط ۱۳۳۴ تاريخلى قانونده مصرح مأمورين و مستخدمين اوقاف ايله خدمه اوقافه عائد تخصيصات فوق العاده [بالفعل ايفای خدمت] قيديله اشبو قانونده محرر نسبت دائره سنده ترديد ايدلش اولديقتدن :

اولا : خدمت مقصوره و احتياط و مستحفظ صورتنده تحت سلاحه جلب ايدلش و يا خود رتبه عسكرى به توجيهيله اردولرده و خدمت مخصوصه ايله دوائر عسكرى به ده استخدام قلمقه بولنانلر

ثانياً : حالاً تحت اسارتده قالانلر

ثالثاً : تحت استیلا ده بولنان محللر ومأمورین ومستخدمیتدن اولوبده منسوب اولدقلری دواثرجه بالفعل استخدام ایدلمیه رك آچیقندن تام معاش المقده اولانلر

رابعاً : حال حرب دولایسیله محل مأموریته موصلت ایده میوب خرجراه قرارنامه سی موجبجه نصف معاش آلماسی لازم کنلر .

خامساً : بالنیابه وظیفه صاحبی اولان صغیرلر .

بالفعل اضافی خدمت اتمه مکده اولدقلری جهته تزیید نسبتدن استفاده ایده میه چکلرندن بونلره هاند تخصیصات فوق العاده نك اسکی قانون موجبجه یوزده یگر می ویا اون بش حسابیله اعطاسی لازم کلور . ۲ شباط ۱۳۳۲ تاریخی قانونك صورت تطبیق حقده اولجه مرسل ۱۳ شباط ۳۳۲ تاریخی تلفراقنامه همومی وجهله غصصانلری اساساً تخصیصات فوق العاده یه تابع اولمیان محترق ومهدم خیرات شریفه خدمه سیله مخصص اجر تازی عسکری معاشات موقوفه سی ترتیندن ویرلیوب بودجه نك دیگر بر ترتیندن ومثلاً اداره متفرقه سی قسمندن تسویه اولنان مأمورین ومستخدمین واشبو قانونده وضوح تامله کوسترلیدیکی اوزره موازنه وقفیه داخلنده اولسون اولسون ومقداری نهیه بالغ بولنورسه بولنسون دیگر طرفدن تخصیصات فوق العاده سی اولقله بر سابق وظیفه سندن دولانی تخصیصات فوق العاده اخذی لازم کلیان خدمه می ایکی قانون احکامندن خارج بولندینی جهته بونلره کالاول تخصیصات فوق العاده شهریه اعطا ایدلمیه جکدر .

قانونده کوستریلن تخصیصات فوق العاده نك حسابنده معاشاتك مع توقیفات مقدار مخصصی و [عسکره کیدنلرك معاشات موقوفه سندن مخصص] اجوراتك كذلك مع توقیفات مقدار مخصصی و خدمه خیراته هاند وظائفك كرك بریدن اولسون وكرك متعدد خیراته بولنسون مع توقیفات مقدار مجموع شهریمی نظراعتباره آلتقی لازم كله جکندن بوجهته بالخاصه دقت اولنوب نسبتك تعیننده خطا وقوعنه میدان ویرلمه سی ایجاب ایدر .
تفصیلات آنقه دائره سنده اقتضاسنك ایفاسی خصوصنك اوقاف امر تبلیغ بیورلمسی بابتده امر واراده
۲۶ جمادی الآخره ۱۳۳۶ ۸ نisan ۱۳۳۴

بيكده برغروشي مؤجل اولان وقف اجاره سنك اوج تقسيطده استيفا اولمىسه دائر
مؤجلات وقفيه تحققاتندن بيكده برغروشك تأجيلي حقنده قانون

[تقويم وقايعة نثرى : ۲۷ جادى الاخره ۱۳۳۶ و ۳۰ نيسان ۱۳۳۴ - نوصروسى : ۳۲۰۶]

برنجى ماده — اجارتيلى مسقات ومستقات وقفيه دن ويركو قيمته نسبتله بيكده
يوز ياره مؤجله يه تابع اولانلرك بيك اوج يوز اوتوز دوت سنه سى مارتى ابتداسندن
اعتباراً تحقق ايده جك اجارات مؤجله سندن بيكده برغروشك تحصيلي حال حاضر
سفر برلكنك ختامى تعقيب ايدن سنه مالىه بدايقته قدر تأجيل اولمىشد. انجق فراغ
قطي و هو عنده مقدار مؤجل متراكم مطلوبات ايله برلكده كما كان استيفا اولنور .
ايكنجى ماده — تاريخ نشرندن اعتباراً مرعى اوله جق اشبو قانونك اجراسنه
اوقاف ناظرى مأموردر .

مجلس اعيان ومبعوثانجه قبول ايديلن اشبو لائحكه نك قانونيتى وقوانين دولته علاوه سنى
اراده ايلدم .

۲۲ جادى الاخره ۱۳۳۶ و ۴ نيسان ۱۳۳۴

محمد رشيد

صدراعظم
محمد طلعت

اوقاف هايون ناظر وكيلى
موسى كاظم

بيك اوج يوز اوتوز دوت سنه سى مارتى ابتداسندن اعتباراً تحقق ايده جك اجارات
مؤجله نك بيكده برغروشك تأجيلي حقنده كى قانون صورتى بالايله درج قلمش اولمىله
قانون مذكوره مسطور اولدينى اوزره ذكر اولنان مؤجلانك بيك اوج يوز اوتوز
دوت سنه سى مارتى ابتداسندن اعتباراً سفر برلكك ختامى تعقيب ايدن سنه مالىه ابتداسنه
قدر آرده جريان ايده جك مدت ظرفنده تحقق ايده جك مؤجلانندن بيكده برغروشك
مدت مذكوره ظرفنده تحصيلنك تأجيلي لازم كلوب بيك اوج يوز اوتوز دوت سنه سى

مارتسندن اولكى مدتہ راجع اوله رق تحقق ایدن سنهٔ حاليہ ۶ مدور مؤجلاتك و برده
برموجب قانون فراغ قطعی وقوعنده مقدار مؤجل متراكمنك كلكان استيفاسی مقتضى
بولنديقندن تأجيلات واقعه نك يالكىز بيك اوچ يوز اوتوز درت سنه سى مارتى ايتداسندن
اعتباراً مدت آنه ظرفنده تحقق ايتديريله جك اجارات مؤجله ۶ مخصوص اولديقنك
ييلنه رك بوقسمه عائد تحققاتدن بيكده برغر و شك تحصيلنك تأجيلنه دقت ايدلسى مقتضيدره
برده اوقاف نظارتنك اقسام وارد اتندن اولوب اموال غير منقوله انتقالاتى حقنده كى
قرارنامه ده معين نسبت دائره سنده تحصيلى لازم كلان اجارات مؤجله و مقاطعاتك مسقفات
و مستغلات وقفیه متصرفلرينه سهولت اولق اوزره بيك اوچ يوز اوتوز درت سنه سى
مارتسندن اعتباراً اوچ تقسيط اوزرندن تحصيلى و واردات مذكوره بقاياسى حقنده ده
اشبو تقسيط معامله سى تطبيق اولنوب شوقدر كه هر تقسيط ايچون تعيين اولنه جق متراكمه
عائد تحصيلات مقدارينك او تقسيطه اصابت ایدن حاليه اجاره و مقاطعه سندن فضله اولماسنه
دقت ايدلسى و برده ينه مديونلره سهولت مخصوصه اولق اوزره تقاسيط تاريخلرينك
خزينهٔ ماليه جه استيفا اولنان و يركو تقاسيط تاريخلرينه تصادف ايتديريله رك آروجه
تعيين ايدلسى نظارتجه اصول اتخاذ اولنه رق علاقه دارانجه حصول اطلاع ضمتنده كيفيت
غزتلرله و صور سائر ايله اعلان ايتديرلمش اولديقندن اوراچه ده اقتضاسنك ايضا
واحضاريه برابر هر سنه ايتداسنده و يركو تقاسيط تاريخلرى مقام دفتر داريدن استفسار
اولنه رق اكا كوره مؤجلات و مقاطعات تقسيطلرى تاريخلرينك مجالس اداره جه تعيين
ايتديرلمسى واشبو تاريخلرك آروجه ينه غزتلرله و صور سائر ايله اعلان اولنمى مناسب
كورلمش ومع هذا تقاسيط ايله معين مقاديردن فضله و يا خود دفعهٔ بالرضا وقوع بوله جق
تسليماتك قبولى ده طبيعى بولنش اولمغه ايضاحات آنه دائره سنده اضافى معامله يه اعتنا
اولنمى خصوصنك ملفوف نسخهلرله برابر اوقاف حواله سى متناذر اولبايده امر و اراده

۴ رجب ۱۳۳۶ و ۱۶ نيسان ۱۳۳۴

